

განმცხადებელი: საქართველოს ძიებების ასოციაცია

თარიღი: 13-03-2023

მივიჩნევ, რომ ჟურნალისტმა/რედაქტორმა დაარღვია საქართველოს ჟურნალისტური ეთიკის ქარტიის პრინციპ(ებ)ი: პრინციპი 1; პრინციპი 3; პრინციპი 4; პრინციპი 5; პრინციპი 7; პრინციპი 8; პრინციპი 9

ინფორმაცია ჟურნალისტის/რედაქტორის შესახებ, რომელმაც სავარაუდოდ დაარღვია ჟურნალისტური ეთიკის ქარტიის პრინციპები: ნინი ტაველიძე, გიორგი გუჯაბიძე, ზურაბ მანაგაძე, ირაკლი ქარხალაშვილი.

სადავო მასალა: გადაცემა PS, რუსთავი 2 <https://www.facebook.com/watch/?v=195053656481522>

ჟურნალისტის//რედაქტორის მიერ ქარტიის პრინციპების დარღვევის დასაბუთება: Rustavi 2 • რუსთავი 2 აგრძელებს ძიებებისგან მტრის ხატის შექმნას და და ძიებების მოძალადეებად გამოცხადებას სიუჟეტში სათაურით "მოძალადე ძიებები". P.S-ში გასული სიუჟეტის მთავარი სათქმელი არის ის, რომ ბავშვზე ძიებების მხრიდან ძალადობის სტატისტიკა საგანგაშოა. სინამდვილეში კი სიუჟეტი არ წარმოადგენს არც ერთ მტკიცებულებას, რომელიც ამ განცხადების სიმართლეში დაგვარწმუნებდა. სიუჟეტი ეყრდნობა მხოლოდ გათამაშებულ ექსპერიმენტს და მისით მანიპულირებს. აქვე საყურადღებოა ექსპერიმენტის ფარგლებში არაეთიკური ქცევა ბავშვის მიმართ (!!) და ძალადობის მაპროვოცირებელი კადრები. ჩვენი შეფასებით, სიუჟეტი არღვევს ეთიკის ქარტიის რამდენიმე პრინციპს: პრინციპი 3 - ავრცელებს ინფორმაციას დაუდასტურებელი წყაროს მიხედვით, რომ ძიებების მხრიდან ძალადობის შემთხვევები მასიურ ხასიათს ატარებს, პრინციპი 4: გათამაშებული სცენარის მიხედვით, ჟურნალისტებს საზოგადოების ქცევაზე ზედაპირული და მარტივად მანიპულირებადი დასკვნა გამოაქვთ (რაც პირველ პრინციპსაც არღვევს). ბავშვის მიმართ ხორციელდება არაეთიკური, შეურაცხმყოფელი ქცევა, რაც სავარაუდოდ საზიანოა ბავშვის ფსიქიკისთვის. პრინციპი 5: ჩვენ მოვითხოვთ, აღნიშნულმა მედიამ მოამზადოს სიუჟეტი, რომელიც იქნება აღნიშნული სიუჟეტის საპირწონე, პროფესიული და ეთიკური სტანდარტის გამოყენებით მომზადებული. წარმოადგენს ვალიდურ წყაროებს ნებისმიერ გავრცელებულ ინფორმაციაზე, არ გამოიყენებს გათამაშებულ და მანიპულირებად სცენარებს, რომელიც შეურაცხმყოფელი და დამაზიანებელია ოჯახში დასაქმებული ქალების პროფესიული და პიროვნული პოზიციებისთვის. პრინციპი 7: სახეზეა კლასობრივი დისკრიმინაციის შემთხვევა, როცა ძიებები, როგორც დაქირავებული ადამიანები მონწყვლადები და გასაგნებულები ხდებიან საინფორმაციო საშუალებების მაკონტროლებელი ადამიანების (ამ შემთხვევაში ტელევიზიის და ჟურნალისტების) მხრიდან და იძულებული არიან თავი იმართლონ უსაფუძვლო ბრალდებების წინაშე, დაზარალებულნი ფსიქოლოგიურად, პიროვნულად და ზოგჯერ ფინანსურადაც გამრუდებული საზოგადოებრივ აზრის გამო. პრინციპი 8: გათამაშებულ კადრებში ირღვევა ბავშვის ინტერესები, რადგან მასზე ხორციელდება ზეწოლა, რომელიც არ ვიცით რა კვალს ტოვებს ბავშვის ფსიქიკაზე. ამავე დროს საზოგადოების თვალში ამგვარი არაეთიკური ქცევა გაიგივდება ჩვეულ ქცევად ძიების მხრიდან ბავშვთან მიმართებაში. პრინციპი 9: გამოვთქვამთ ეჭვს, რომ სიუჟეტი მომზადებული იყო ძიების გადასამზადებელი კურსების რომელიმე ცენტრის დაკვეთით, რადგან სიუჟეტში ჟღერდება მონოდება და რეკომენდაცია, ძიებების აუცილებელი პროფესიული გადამზადების შესახებ. თუ ეს ასეა, მოვითხოვთ ამ ფაქტის გასაჯაროვებას.

განცხადება და თანდართული მასალები, დასაშვებობის შემთხვევაში, ხდება საჯარო და ნებისმიერ პირს ექნება საშუალება გაეცნოს მას: ვეტანხმები